

آبونه شرائطی

ممالك عثمانیه ده سنه لکی (۶۵)، الق
آیلغو (۲۵۱) غروشدور .

ممالك اجنبیه ده سنه لکی (۱۷)، الق
آیانی (۹) فرانقدر .

اداره خانه

باب عالی جاده سنده دائره مخصوصه

اخطارات

آبونه بدلی پشندر .

§

مسلكه موافق آثار مع الممنونیه قبول
اولنور . درج ایدلمین یازیلر احاده
اولونماز .

المجله

۱۳۳۰

دینی، فلسفی، علمی، ادبی، سیاسی هفتلق مجموعه اسلامیة در.

والله یهدی من یشاء الی صراط مستقیم

صاحب و مدیر مسئول: ح. اشرف ارباب

اتبعون اهدکم سبیل الرشاد

عدد ۲۸۵

۲۵ صفر ۱۳۳۲

پنجشنبه

۹ کانون ثانی ۱۳۲۹

جلد ۱۱

اخطارات

رساله مزین آلمدیغنی کوسترک شرطیه
بتون یازیلر هر هانکی بر خیزنه طرفندان
اقتباس اولونه ییلیر .

§

مکتوبلرک، امضالرک واضح و اوقوتاقلی
اولسی و آبونه صره نومروس محتوی
بولونمسی لازمدور .

§

ممالك اجنبیه ایچون آبونه اولانلرک
آدرس لریک فرانسوزجه ده یازامسی دجا
اولنور .

§

یاده کوندرلدیکی، ان نه یه د ژ اولدیغیک
واضعا ییلدیلمسی دجا اولنور .

اول امرده مؤلفك آیات کریمه واحادیث شریفه حقننده نه کی بر
برنسیب قبول ایتدیکنی او کریمك ایستدك ، اربابنك معلومی اوله جفی
وجهله برر قیمت علمیه بی حازر اولان سؤالاریمزه هیچ بر جواب
ویره مدی .

انصاف ایدیکر ، برنسیبی بیلنمیان بر دلیل ایله فصل مدلوله انتقال اولنور ؟
هانکی مسلك فلسفی بوکا مساعددر ؟ هانکی علم بونی تجویز ایدر ؟
قرآن کریم وحدیث شریفك حجت اولسی حقننده هیچ بر معلوماتی اولمدینی حالده
انلر ایله فصل احتجاج ایدر ؟ بوراسنی غریب بولمور میسکر ؟ مؤلف
برنسیب حقننده بر جواب ویرمش اولسیدی مباحثه من آیات واحادیث
شریفه نك اقسامنه انتقال ایدمك ایدی ؟ اگر اكاده جواب ویرمش
اولسیدی ، ایشته اول وقت مباحثه ده تنقیده یول آچیلدش اوله جق ایدی ،
آرتق کیندوسندن صورت استنباطی ومذهبی موجبجه صورت استدلالی
صوره جق ایدك . ادله شرعیه بی بیلمدیکی ، اصول شرعیه دن بی خبر
اولدینی ظاهراً اولونجه فصل مناظره یه اهل اولور ؟ دلیل علمی یه مستند
اولیان مسائلك هانکیسنی تعداد ایدم ؟

هایدی نمونه اولق اوزره تعیین ماده ایدمك بر قاج مسئله سنی بیان
ایدم :

۱ — مؤلف ۳۸ صحیفه نك نهایتنده : « قوم عتیق ارکان دینی بش
شیئه یعنی صوم ، صلاة وحج وزکاة وکلمه شهادته حصر ایدرلر » دیور
و ۵۲ صحیفه دهده ارکان دینی عقل ، کلمه شهادت دیه کوستریور .

رد . — مؤلفك بوسوزی حدیث شریفه تمامیه مخالفدر . « قال رسول الله
صلی الله علیه وسلم . بنی الاسلام علی خمس شهادة ان لا اله الا الله وان محمداً رسول الله
واقام الصلاة وایتاء الزکاة والحج وصوم رمضان . — بخاری » حدیث
شریفی ، تمامیه قوم عتیق عد ایتدیکنی ذواتك عقائدینه موافق وقوم
جدید عد ایتدیکنی کسانك عقائدینه مخالفدر .

۲ — ۳۹ صحیفه ده : « قوم عتیق حقننده کافه معاملات وحرکاتده
اوامر قرآنیه واحادیث نبویه خلافنده اولسهده کندیلرینه برکوی ،
حلی ، شافعی ، کنز ، منیه المصلی ، مالکی ، فتاوی ، حنبلی الی آخره کی
بر طاقم کتابلری دستور العمل اتخاذ ایدرلر » دیور .

رد . — مؤلفك بوراده بویه بر طاقم اسامی بی تعداد ایتمه سننده هیچ بر قیمت
علمیه یوقدر ، بوراسنی اهلنه عرض ایدیورز . قوم عتیق کوستردیکی
ذوات غندنده کتابلر انحق برر رهبردر . شرعه موافق ایسه قبول اولنور .
یوخسه قبول اولونماز . حتی اصحاب کرامك بیه مجرد رأیلرله خبر
ویردکلری خصوصده اتباعه مجبوریت یوقدر . فخر المرسلین افندمزدن
ماعداسنك قوی هم اخذ اولنور هم ترك اولنور ، دائماً قوی اخذ
اولنوب اصلاً ترك اولونمیان ذات : انحق خاتم الانبیا افندمزدن حضرتلر ایدر .
قال الله تعالى : وما اتاكم الرسول فخذوه .

مؤلفك بوسوزی علم کلامه ، اصول فقهه ، تاریخ علومه تمامیه
مخالفدر .

کیدرلر . قوتلی ، جانلی بر جریان ملی اوکننده ، اسکی ، بوزوق ، حیاتدن
اوصانج اثری اولان مایتمزك فکری البت دیکیش طوتدوره من .
برده جریان ملیمزك اوکننده دینمزلک ، ملیتمزك فکری نقدر
مضر ایسه ، بی سود قاره تعصب ده او قدر ضرر لیدر . چونکه هرایکسی ده
جریان ملی یه قارشلی قورولمش سیاه ، قمرمزی مانعلر دیمکدر . بناء علیه
بوکون مایتمزده قوتلی بر جریان ملی اسلامی او یاندیرمق ایستینلرک
برنجی وظیفه لری بوسیاه ، قمرمزی تعصب لری ییقبوب یرینه دینك ،
مدنیت ملیه وعغنه مزك برله شمه سی وقایئامه سی صورتیله حصوله کلن بر فکر
ملی اسلامی اقامه ایتك اوله لیدر . بو فکر ملی ده بوتون اسلام قارده شلرا یچون
عمومی بر مفکوره حالی آمالیدر ، هر مسلمان بو مفکوره بی تقدیس
ایتملی ، بونك محیط انتشارینی توسیعه چالیشمه لیدر . بومقدس فکرك
دشمنلرله کوکس کوکسه کلرک دین ، ایمان ، ملیت ، علم قوتلرندن
استمداد ایدمك چاریشمه لی ، مجاهده ایتملی . بوکونکی جهاد اکبرده
ایشته بوندن عبارت اولسه کرک .. والذین جاهدوا فینا لنهدینهم سبلنا .

حایم ثابت

مدافعات دینیہ

عبیداه افغانی مدافعی م . ج . افندی یه ۱

اجتهاد مجموعه سنك ۸۷ نومرولی نسخه سننده کی مکتوبکزی او قودم ؛
۲۷۷ نومرولی سبیل الرشاد نسخه سننده کی محاوره دن طولای عبیداه
افغانی بی اسکات والزام ایدن وماهیت علمیه سی حقننده قارئینه بر فکر
ویرن رفقامه عاجز لری ده داخل اولدینی حالده تعرضه قالدیشیورسکر !
عبیدالله افغانی نك جوابدن عاجز قالمسندن بحث ایتیبوب کتابك
مندرجاتی حقننده هذیان دینلمك ایجاب ایتمه جکنی ، کتابده آیات کریمه
واحادیث شریفه ایله جهادك فضائلندن بحث اولونمش ایدوکنی ، تنقید
اولنه جق اولان جهتلرده تعیین ماده ایدرک اکا قارشو ادله شرعیه ایله
جواب ویرلمسی لازم کلدیکنی بیان ایدیورسکر !

محاوره مزده یازلدینی اوزره عبیدالله افغانی حقننده جفالقلم بر
حکمه بولونمق ، معهود کتابی او قودق ، انی قوانین مؤیده اسلامییه
ایله ، قواعد جلیله شرعیه ایله قابل تطبیق بولمق ، کتابه اهمیت بیه
ویرمدك . چونکه علمی بر سوز یوق ایدی .

وقتا که مؤلف سبیل الرشاد اداره خانه سنه کلدی ، ارامزده بر محاوره
جریان ایتدی . محضا ماهیت علمیه سی حقننده بر فکر ویرمك مقصدیه
محاوره بی عیناً یازدق ، یوقسه کتاب حقننده تنقیداته حاجت کورمدك .
بو خصوصی ، محاوره مزده تصریح ایتدیکمز حالده سزك بشقه بر
وادی یه سوق کلام ایتمه کز قواعد فلسفیه ایله قابل تطبیق اولورمی ؟
بز بوباده قواعد فلسفیه یه رعایت ایتدك ، تحلیل قاعده سنی تطبیق ایتدك .

۳ - ۴۲ صفحه ده ایمان بالقدری قوم عتیق عقائدندن کوستریور، بالطبع کنديسی قبول ایتیمور .

رد . - مؤلفك بو عقائدي قرآن کریم و حدیث شریفه تمامیه مخالفدر : قال الله تعالى : انا كل شئى خلقناه بقدر ، وقال الله تعالى : ولولا كلمة سبقت من ربك لكان لزاماً واجل مسمى ، وقال تعالى : ان ذلك فى كتاب ، وقال تعالى : ما اصابك من مصيبة فى الارض ولا فى انفسكم الا فى كتاب من قبل ان نبرأها ، وقال رسول الله صلى الله عليه وسلم : جف القلم بما أنت لاق - بخارى ، وقال صلى الله عليه وسلم : فان لها ما قدر لها - بخارى وقال صلى الله عليه وسلم : تعوذوا بالله من جهد البلاء ودرك الشقاء وسوء القضاء وشماتة الأعداء - بخارى

محاورده بیان اولندی اوزره عیدالله افغانی قدر مسئله سنه دائر صورديغ سوالده جواب ویرمه ماش ، کنديسی سواله باشلامش ، اكا قارشو ویردیكم جوابه : اینجه مسئله لرك صره سی دکل ! دیمکله اکتفا ایتمش ایدی . مؤلفك قدر مسئله سنده فرق کلامیه دن هانکی سنك مذهبنه تابع اولدینی مع التأسف ا کلایه مدق .

۴ - هرکس اجدلیه اولور اعتقادین ده قوم عتیق عقائدندن کوستریور ! بونی ده قبول ایتیمور .

رد . - مؤلفك بو عقائدي ده قرآن کریمه مخالفدر : قال الله تعالى : اذا جاء اجلهم لا يستأخرون ساعة ولا يستقدمون . مؤلفك مقول حتمده کی عقائدي بعض معتزله نك مذهبنه موافقدر . ۵ - قوم عتیقك فروعات اعمالی بیان صدندنه « رمضان شریفك یكرمی یدنجی کیجه سی قدردر » دیور . بوندن مقصدینی تمامیه ا کلامق قابل اوله میور . بوراده ایکی مسئله واردر : بری ليله قدرك فضیلتی ، دیگرى ليله قدرك رمضانك یكرمی یدنجی کیجه سنه مخصوص اولسیدر . اکر ليله قدرك فضیلتی منکر ایسه بر سورة جلیله فی تمامیه انکار ایتمش اولور . قال الله تعالى : انا انزلناه فى ليلة القدر . وما ادراك ما ليلة القدر . ليلة القدر خير من الف شهر... الاية

واکر یكرمی یدنجی کیجه سنه مخصوص اولسنی انکار ایديور ایسه ذاتاً بو کیجه نك ليله قدر اولسنی مختلف فیه در . شوقدرکه یكرمی یدنجی کیجه اولایلمسنه دائر حدیث شریف واردر : قال رسول الله صلى الله عليه وسلم : هي في العشر هي في تسع يمضين اوفى سبع يقين - بخارى . مؤلفك مقصدی نه اولور ایسه اولسون علمى برسوز سولیمور . وقس علیه البواق . ینه تکرار ایديورمکه مقصد کتابی تنقید دکل ، بلکه پك قولای رد و جرح ایديله بیله جکنی بیان در .

بز بورالینی بیلدیكمز ایچون ، مؤلف ده محاوره سیله مناظره یه اهل اولمدينی اثبات ایتدیکی ایچون علوم شرعیه دن بی بهره اولدینی ا کلا دق و یوزینه قارشى جهلنى بیلدیرك ، ارتق اهل اسلامك ادله شرعیه سیله معلوملى اولان بر جوق عقائد و حسیاتنه پك فنا بر صورتده تعرض ایدرك علمه مستند اولمایان افکار و عقائد هذیان اولزمی ؟

علوم شرعیه نك ارکان مهمه سندن بری اولان اصول فیهك « خاص

وعام » بحثلرینی در خاطر ایتمش اولسیدیکز کتاب حقنده هذیان مجموعه سیدر تمییزینه کستاخلق دیمز ایدیکز ، بویه برکستاخلقده بولنمز ایدیکز . اکر مؤلفك مقصدی فضائل جهادی بیانندن عبارت اولسیدی و کتاب اللهسه ، بی ذیشان افندمن حضرتلرندن تلقی اولسان سنت سنیه یه ، قواعد شرعیه یه موافق اولسیدی باشمرك تاجی اولور ایدی . بوکی امت محمدیه نك متفق اولدینی مسئله هانکی مسلم اعتراض ایدر ؟ بونی ادعا اثر غفلت دکل ؟ بوخصوصده امت محمدیه یی قوم جدیدو عتیق دیه ایکی به آیرمق ، قوم عتیقه لعنت ایتك ، تدمیرلرینه دعا ایتك هذیان دکلده ندر ؟ عیداه افغانینك بویولده کی سوزلری بعض کسانى الداده بیلیر . عالم اسلامده پارلاق کی کورینان سوزلر ایله تلقیناتده بولونمق پك اسکیدر . بومثالو سوزلر حقنده بز وارث علم بی امام مکرم سیدنا علی کرم الله وجهه حضرتلرینك « کله حق ایدر بها الباطل » قول حکیمانله ریله عامل اولدق . پك افندیلر !

افکار جدیده نك ایلک تمل طاشی اولان « حریت وجدان تعرضدن مصوندر » قضیه سنی اول باول عیدالله افغانی فرقنه وارمقسزین هدم ایتیمور می ؟

بز کندي فکری دین نامنه کوسترن ، « ولاتنفر قوا... » نظم جلیله ، من سلم المسلمون من لسانه ویده - بخارى حدیث شریفنه اصلا قولاق آصمیان ، علم دینی صاریقده ارایوب قسده بوله میه جق درجه ده کوته بین اولان بر کیسه یه قارشو مدافعه ده بولندق .

اوت قواعد فلسفیه مقتضاسنجه حریت بیانده تعرضدن مصون ایسه ده حریت وجدان کی غیر محدود دکلدر ، بذک حریت بیان حقوق ایله محدود ؛ دیگر بر کیسه نك حقوق حریتنه تجاوز ایتامك شرطیه مشروطدر . فضله اوله رق سزك (قوم جدید مسلمانلری نه دن دلخون ایدر) سوزیکزه شاشماق قابل اوله میور . قوم جدید نام کتاب مسلمانلر اراسنه تخم فساد صاحبدیی ؟ مسلمانلر اره سنده قیل و قاله سیدیت ویرمدیی ؟ شویله بر زمانده شقاق قیوسی آچق خوشمی ؟ بوا یسه پك بیوک بر خطا دکل ؟ سزکله بزم اره مزه شقاق کرمدیی ؟ بزه تعرض ایتیمور میسکز ؟ بزه سزك قوللاندیغکز تعیراتی مع زیاده حتی عیناً قوللانسق خوشکزمی کیدر ؟

یکی بر فتنه می اوایلسون ؟ مقصدیکز بوا یسه امین اولیکز که بزى اوورطیه دوشوره مزسکز .

اسلامیتی مدافعه اوغورنده اورته یه آتیلمش اولان بر غزته حقنده استهزالریکز سزه یاقیشیرمی ؟

سزك نظر استخفاف ایله کوردیکز سبیل الرشاد جریده سنده اقوال حقه ، افکار صائبه ، علما نه سوزلر ، فیلسوفانه دوشونجهلر دائماً محترم و ممدوح ؛ بالعکس اقوال باطله ، افکار سخیفه ، جاهلانه سوزلر ، عامیانه دوشونجهلر دائماً مردود و مقذوح در .

مسلمانلق پیغمبرمرك خبر ویردیکی کی میدر ؛ یوقسه او جهت نظر اعتباره آلمانوب بزم آ کلا دیغمز کی میدر ؟ سوالنه کلنجه انده ده

بر ماهیت علمیه و ارایدی بو سؤال علم عقائد علماسی آراسنده مختلف
فیه اولان بر مبحثه اشارت ایدی . مؤلف سؤالک قیمتتی اکلایه مدی .
ویردیکی جواب تمامله کتابک علیهنده ایدی . فرقنه وارمقیزین
کتابخی کندیسى جرح ایدیور ایدی . کوردیکزى غفلتی ؟
خلاصه قواعد مؤبده شرعیه یه ویا قواعد قطعیه فلسفیه یه ویا
قواعد مؤبده عامیه مستند اولان سوزلریکز وار ایسه جان قولاغیه
دیگله رز . یوقسه لاف دیگله میز . دارالفنون معلملرندن ازمیرلی

اسماعیل حق

نسائیات

سبیل الرشاد هر بریده اسلامیه سی هیئت تحریریه مخبره منه

افندم . تستر نسوان حقنده سبیل الرشاد جریده اسلامیه سنک ۲۷۸
و ۲۷۹ نومرولو نسخهلرنده صاحت عفت و فضیلت بر قاج خانم افندی
طرفندن یازلمش مکتوبلری کمال شکران ایلله اوقودم . بو مکتوبلرک برینک
خاتمه سنده تسترک رفی حقنده دارالخلافه اسلامیه ده چیقان بعض
هذیاننامه لریک نشریاتندن طولانی حکومتیزک نظر دقتی جالب ایدیور .
فی الحقیقه تستر نسوانک قادیلرده عفت و ناموسک یکانه کافی اولدیغه
قانع بولنان ملیونلرجه مسلمان قادیلری دخی نشریات مباحوث عنهانک
منی ایچون تدابیر قطعیه اتحادینی حکومتیزدن کمال اهمیتله طلب واستدعای
وجیهه دینه دن بیلرلر . عاجزه کزده مخدرات اسلامیه دن بری اولق
حیثیتیه قسدرتسز لکمه باقیه رق بو خصوصده بعض مطالعات سردینه
کندمده برحق کوردم .

قانون اخلاق اسلامیت الله ایماندن صوکره حیای امر ایدیور .
فخر کائنات افندمن حضرتلری مدنیت - تحقیقه اسلامیه یی حیا و حسن
خلق اساسی اوزرینه تأسیس بیورمشلردر . ایشته بویله متین اساسلره
استناد ایدن هیئت اجتماعیه اسلامیه آزمون ایچنده مدنیتک مرتبه
قصوانسته واصل اولمشدر . اساسات مذکورده دن انحرافه باشلادیغمزدن
بری اجتماعیات و اخلاقیاتده اوغرا دیغمز انحطاط میدانده در . اخلاق
اسلامیه دن تباعد یوزندن باشمزه کلن فلاکتلرک هانکی برینی صایلم ؟
یوزبیکلرجه اخوان دینیزک قاننه کیرن محاربات اخیرده دن عبرت آلهم ده
بو ائنده اوغرا دیغمز مادی و معنوی ضرر و زیانلری تلافیه چالیشم .
بو خصوصده صرف ایده جکمز مساعینک ثمره دار اولمی آنجق اخلاق
اسلامیه ایلله متخلق اولمقغمزه متوققدر . اخلاق اسلامیه هیئت اجتماعیه مزک
سعادت و تعالیسنی بالغاً تأمین ایشدر . صد هزار تأسف ! ایچمزه بر
برکروه اسافل ، سلامت مملکتی غرب عادات و اخلاقی تقلیده بولیورلر .
نه بیوک غفلت ! سنهلردن بری غرب عادات و اخلاقی تقلیده یاتندک ،
بوندن فائده یرینه مضرت حاصل اولدی . سفینه مملکتی ورطه هلاکدن
تخلیص میسر اولمادی . غرب لسانی اوکرمک ، غربک ترقیات فنیه سنی

اقتباس ایلک مملکتک آتیس ایچون البت خیرلو اولور . فقط شونیده
اونو تمیهلم که : اخلاق و عادات دینه مزى خللدار اولمقدن وقایه ،
معقدا تمزی تقویه ایتمزسه ک بزم ایچون حق حیات یوقدر . یاریم عصرده
آز بر زمانده کندیسنى دره بکلکدن قورتاره رق حیيات اجتماعیه سنى
تنظیم ایدن وجهانگیرلکی قورمش قوجه بردولته بیوک بردرس عبرت
ویرن ، بناء علیه شوکت و سطوتی علمه طانتدیران ژاپونیا ده ارکک قادین
هر صنف خلکک ملیتلرینه اولان رعایت کامله لرینی نظر دقته آلهم .
ژاپونیا ده قادینلر ارکک ایشلرینه قاریشمیه رق صرف قادینلرک ترقی
و تعالیسی ایچون کیجه کوندوز چالیشمقدن خالی قالمیورلر . خاطر مده
قالدیغه کوره بروقت قادینلرک حق انتخابه مالک اولمسنه چالیشان نسا یون ،
آوروپا یا تختلرندن برنده برقوق نغره کشاد ایشلرایدی . بوقون نغره یه اشترا که
دعوت ایدیلن ژاپون قادینلری کندیلرینک وطنی قورتاره جق اولاد
تربیه سیاه مشغول اولدقلرندن بختله سیاستله اشتغاله و قتلری اولدیغی
جوابی و یرمک دعوت واقعه یه اجابت ایتماشلردر .

انحطاط اجتماعیه می نظرامعانه آله جق اولورسه ق ، وطنه هرشیدن
زیاده قابلری وطن عشقیله چاربان بر عنصر لازم اولدیغی آکلارز .
بو عنصر مهمی یتشدره جکده قادینلردر . قادینلرمن قواعد اسلامیه
دائرة سنده تعلیم و تربیه کورمز لرسه او عنصر یرینه برسوری سرسزی
ظهور ایدر ، که وطنک بونلردن کوردیکی و کوره جکی فسادنی بوراده
تعداده لزوم کورمبورم . بودر بدرلرک افعال و اقوالی ، وطنک استقبالیه
علاقه دار اولانلری دلخون ایتمکدن خالی قالمیور . صوکنسنه لرده نسا یون
نامی ائنده اورته یه آیلان سرسربلر ، تسترک رفیله هیئت اجتماعیه نک
ناظم حقیقیلری اولان قادینلری عریان اوله رق سوقاغه آتقله کندیلرینی
مملکته خدمت ایش عد ایدیورلرسه زهی جهالت !

بوسر سربلر مملکت ایچون جزئی برحسن نیت پرورده ایدیورلرسه
تسترک رفیله چالیشه جقلرینه ، قزلیمزک ، شریعت غرای اسلامیه نک
وضع ایتدیکی قیود و شروط دائرة سنده تعلیم و تربیه لری اسبابی استکماله
چالیشسونلر !

قزلیمز امور بیتهلرینی حسن اداره ، سعادت عائله یی تأسیس ایده
بیله جک انظام و عزم پرور بر او قادینی اولقله قانون طبیعتک کندیلرینه
تحمیل ایلدیکی وظائف اصلیه لرینی درت مهم دوره یه آیی رسه ق ، بو
دورلرک هر برینه مخصوص احوال و مشکلاتی نظر دقته آله جق اولورسه ق ،
بو وظائفک حسن ایفاسیه فطرة مکلف اولان قادینلردن ده با بشقه
نه کی خدمت برکنور .

تستر نسوان علیهنده صاورولان تره ائدن متأثر اولان همشیره لرم !
شریعت اسلامیه نک الک مهم رکنی اولان تستر نسوان کیفیت ، دیانت
اسلامیه نک حقایقندن بی خیر ، جوهر عصمت و عفتک قدر و قیمتتی
ادرا کدن عاجز ، برایکی سرسربلر کیفی ایچون هیچ بر وقت فدا
ایدیلمز . بو ایشده الک زیاده آجینه جق صافدل بش اون اسلام
قادینلریدر که بوزوالیلر کندیلرینه رهبر اتحاد ایتدکاری بش اون سفیه ک